



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae

Hieronymus, Sophronius Eusebius

Coloniae Agrippinae, 1674

LVI. Ad Alipium & Augustinu[m]. S Innocentius

urn:nbn:de:hbz:466:1-37862

lacet, ut hinc recedam. Jamjam cedo, abrupe-
 unt partem à me animæ meæ, charissimos fra-
 res: ecce discedere cupiunt, imò penitus disce- *Hierony-*
 unt, melius esse dicentes, inter feras habitare, *mo tuta*
 quam cum talibus Christianis. Et ego ipse, nisi *sedes de-*
 me & corporis imbecillitas, & hyemis retineret *est.*
 asperitas, jam modò fugerem. Veruntamen dum
 vernum tempus adveniat, obsecro, ut paucis mi-
 hi mensibus eremi concedatur hospitium: aut si
 hoc tardum videtur, abscedo. Domini est terra & *Ps. 23.*
 plenitudo ejus. Ascendant soli cœlum: propter
 illos tantùm Christus mortuus sit, habeant, possi-
 deant, glorientur. Mihi autem absit gloriari, nisi *Galat. 6.*
 in cruce Domini nostri Jesu Christi: per quem
 mihi mundus crucifixus est, & ego mundo. De fide
 autem, quam dignatus es scribere S. Cyrillo, dedi
 conscriptam fidem. Qui sic non credit, alienus à
 Christo est. Cæterùm ego fidei meæ testes habeo
 aures tuas, & beati fratris Zenobij, quem tecum
 omnes, qui hic sumus, plurimùm salutamus.

LVI. Hieronymus Alipio & Augustino Episcopo.
Cum hic tractat de opprimendis, & ex parte op-
pressis hæresibus sui temporis, præcipuè au-
tem de Anniani scriptis confutandis.

Sanctus Innocentius presbyter, qui hujus ser-
 monis est portitor, anno præterito, quasi ne-
 quaquam in Africam reversurus, mea ad digna-
 tionem vestram scripta non sumpsit. Tamen Deo
 gratias agimus, quòd ita evenit, ut nostrum silen-
 tium vestris epistolis vinceretis. Mihi enim omnis
 occasio gratissima est, per quâ scribo vestræ reve-
 ren-

*Celestiana
hæresis.*

* *Dios.*

rentiæ testem invocans Deum, quod si possit
assumptis alis columbæ, vestris amplexibus
plicarer: semper quidem pro merito virtutis
vestrarum, sed nunc maximè, quia cooperato-
bus & authoribus vobis hæresis Celestiana jug-
lata est: quæ ita infecit corda multorum, ut co-
superatos damnatosque esse se sentiant, tamen
nena mentium non omittant: & quod solum po-
sunt, nos oderint, per quos putant se libertate
docendæ hæreseos perdidisse. Quod autem qua-
ritis, utrum rescripserim contra libros Anni-
pseudodiaconi Celedensis, qui copiosissime pe-
scitur, ut alienæ blasphemiam verba frivola sub-
nistrer: sciatis me ipsos libros in schedulis ma-
fos à sancto fratre nostro Eusebio presbytero
sccepisse non ante multum temporis: & exire
vel ingruentibus morbis, vel dormitione sancti
& venerabilis filiae vestræ Eustochij ita doluisse
ut propemodum contemnendos putarem. In eo-
dem enim luto hæsit, & exceptis verbis tinnu-
lis atque emendicatis, nihil aliud loquitur. Te-
men multum egimus, ut dum epistolæ meæ re-
spondere conatur, apertius se proderet, & bla-
sphemias suas omnibus patefaceret: Quicquid
enim in illa miserabili Synodo * Dispolitana
dixisse se denegat, in hoc opere profitetur. Nec
grande est ineptissimis nanijs respondere. Si au-
tem Dominus vitam tribuerit, & notariorum ha-
buerimus copiam, paucis lucubratiunculis re-
spondebimus: non ut convincamus hæresim e-
mortuam, sed ut imperitiam atque blasphemiam
ejus nostris sermonibus confutemus. Meliusque
hoc faceret sanctitas vestra, ne compellamur

con-

contra hæreticum nostra laudare. Sancti filij communes, Albinus, Apinianus, & Melania plurimum vos salutant. Has literas de sancta Bethlehem, sancto presbytero Innocentio tradidi referendas. Neptis vestra Paula miserabiliter deprecatur, ut memores ejus sitis, & multum vos salutat. Incolumes vos & memores mei Domini nostri Jesu Christi tueatur clementia Domini verè sancti, atque omnium affectione venerabiles patres.

*LXXI. Hieronymus Augustino Episcopo Hipponensi.
De quo sentit & loquitur honorificè ob zelum
illius in fide contra hæreticos asserenda.*

Domino sancto ac beatissimo Patri Augustino Hieronymus. Omni quidem tempore beatitudinem tuam eo, quo decet, honore veneratus sum, & habitantem in te dilexi Dominum Salvatorem. Et nunc, si fieri potest, cumulo aliquid addimus, & plenè complemus, ut absque tui nominis mentione ne unam quidem horam præterire patiamur, qui contra flantes ventos ardore fidei perstitisti, maluisti que, quantum in te fuit, solus liberari de Sodomis, quam cum *Gen. 19.* pereuntibus commorari. Scit quid dicam prudentia tua. Macte virtute, in orbe celebraris: Catholici te conditorem antiquæ rursus fidei venerantur atque suspiciunt: & *Augusti-* *ni com-* *médatio.* Quod signum majoris gloriæ est, omnes hæretici detestantur, & me pari persequuntur odio, ut quos gladijs nequeunt, voto interficiant. Incolumem & mei memorem te Christi Domini clementia
E 3 tuca-